

112 年全國語文競賽原住民族語朗讀 【鄒語】 高中學生組 編號 3 號

yonghu ci 'oyona

a'umtu kokaekaebu ho mi'o meelu i'upu tamo na'no umnu ci
peistotothmu, 'a Voe Noacachiana ne Ngibiei na a'o,'o emoo'u mo yonto
Yo'hunge to Nia'ucna ne Psoseongana, 'a lamza(lamia) toh'usnu ta
Tapangu, zou mi'o nuvohe ta Yasiungu, 'e conoemoo'u pantomo loete'e ci
mameoi, na'no yonghu ci inohe, yaafeangoa ci amoconi,totontone ci inoconi
ho i'o Pasu'e pop'eokoa ta ino'uconi,'so a'umtu angu kaebu 'oyo toaphoyu,
ko'ko lasicuno yaica to vanmsi “ Voe snoknoko ”, 'o Pasuya la
kaebuc'o tiupuzu, ko'ko lahecuno tos'onki ho yainca “ Pasu'e yafeu ”,la
a' umtu'so somatos'onkoa na nia noana'o.

ne fuengu, cuma na teno'so hioa ho lac'u feungna! ci 'alano
ngiteuyunu ngicu, la'u atva'esi kaebu suchipi to Ak'i'u, zou holano
eusvusvutu, lasi ahta o'te sotaica 'o Patunkuon, hocu eukukuyungva, zou
va'hu ta maemoemoo, yamasiana, fozuci chumu, mohkuv'oci c'oeha,
himeuci chumu, tac'uno peela ta'sansana co'cohivi 'e 'oyonato.aovaho ho
isicu ec'uha to emoono papua, feongono voyu, tuhiu, holano tisngusngu,
zou tuteongo, tufngi tola atva'esa smoyoaci yoi, 'a la'us'a ahta ta'hupsoni.
Ko'kola'cu na'no kaebu fihto to amo'uconi ho cocoecon ta cpucpuhu,
mioci to'o'ofeihni no caphu no noana'oto,lasi yainca to ak'i “ lako

letmaseiti,'at'inghi ma lahe yaezac'o pohpoengoma na su, zou hoci o'te
einuu ho bobochio ta hpupungu, mala a'umta sokoeva”.zou 'o'oko! te'o
ocia tuhtuocosina muu “ honciko yupteilu no kua'ongaci moatu'nu, teko
a'umtu memconmcoi? ”,tuh'unasi ci tu'iei teoteo'io hocu miezuhu mi'usni
si isi ngov'eni ta tonghifa cinia yasngu no micuno yuepungi ci nia su'ku.

ta yonghu ci 'oyonamia,la ahoi hotusbukua to 'eema ta totovala,
homio, lamia(lamza) aesiesii at'ocu yupa to'to'usnu, la kiotokai hocino o'te
smuhnu, e'vonolamia ngoseo, at'inghi lamia(lamza) na'no 'aveoveoyu. zou
ho lano yofna nomio,nahoeno uhto f'uf'ue, aothomu m'oyucu ho ta'hongi 'e
aukukuyungsu,hocu aemu'au teoumcomco, 'ola teo'si ” ake'i nvecu ho
aucunu 'a'akuini ”, ma a'umtu naa'no yonghu! zou 'ac'ono'so a'umtu 'e
Nia'ucna 'omo yaa suptu ci mav'ov'o ci yonghuci congeoha. ne noana'o ta
fuengu, lahe hucocoveoza to toa'ho'ho'e Cou, zou na a'umtusi, 'a latono'so
fihto pahsusufta no noana'oto, yupa nananghinghia, yuphoe'ocu, ko'ko lato
na'noc'o kokaekaebu ci 'tohungu, ohela pahsansana to maameoito “ 'e
mao'o'oko 'a toehungu to 'o'oko, 'e mamameoi zou maezo toehungu to
maameoi ” ta Cou! uk'a cilas'a thi'cia ho 'ola noabonu , ho maica lato
ianan'ou na'no 'aveoveoyu ho ma'euyucu, acuhu yokeoasu'sio!

美麗的家鄉

里佳村 Ngibiei 的莊家是達邦大社與安家是親家。我家有一位是啤酒肚的老人、漂亮的媽媽、健壯的叔叔，多才多藝的阿姨，還有阿姨的乾兒子 Pasuya，他實在太愛到河流，所以叫他「水獺 Voyu」。

Pasuya 喜歡玩火，大家都叫他「火焰 Pasuya」。

晚間會一起烤火，祖父說故事時，會以玉山為中心延伸，曾文溪、楠梓仙溪、荖濃溪、莠菇巒溪、濁水溪，讓我們瞭解家鄉。蟻獅洞、飛鼠洞穴、救命水、徒手捉魚、採蜂蜜、取最危險的蟲（火攻虎頭蜂），真是百聽不討厭。

我喜歡跟著叔叔，追循先人的足跡到野地散步，阿公常說：「你是獵人，也是獵物，不尊重及不認識山林很危險，如果遇見黑色的山羊（狗熊），你真的會裝死嗎？」鬼異的微笑、轉頭望著牆上的豬下額骨。

家鄉五月為採筍季，會依傳統相互幫忙，有換工或請工（宴請分享親友）。這時節的夜晚都是螢火蟲！

我們依循先人訓誨，相親相愛，心靈很快樂。長輩們說：「小孩是大家的小孩，老人是大家的老人！」每一個人都非常快樂及心存感恩！